

圖書集成醫部全錄

第五冊  
素問卅三至四十



博物彙編藝術典第五十二卷目錄

醫部彙考二十三

黃帝素問二十三 六微旨大論篇第六十八

博物彙編藝術典第五十四卷目錄

醫部彙考三十四

黃帝素問三十四 氣交變大論篇第六十九

博物彙編藝術典第五十五卷目錄

醫部彙考三十五

黃帝素問三十五 五常政大論篇第七十上

博物彙編藝術典第五十六卷目錄

醫部彙考三十六

黃帝素問三十六 五常政大論篇第七十下

博物彙編藝術典第五十七卷目錄

醫部彙考三十七

黃帝素問三十七 六元正紀大論篇第七十一上之上

博物彙編藝術典第五十八卷目錄

醫部彙考三十八

黃帝素問三十八 六元正紀大論篇第七十一上之下

博物彙編藝術典第五十九卷目錄

醫部彙考三十九

黃帝素問三十九 六元正紀大論篇第七十一下之上

博物彙編藝術典第六十卷目錄

醫部彙考四十

黃帝素問四十

六元正紀大論篇第七十一下之下

靈樞經二十八

素問二十八

靈樞經二十八

素問二十八

靈樞經二十八

素問二十八

靈樞經二十八

素問二十八

靈樞經二十八

素問二十八

靈樞經二十八

素問二十八

靈樞經二十八

素問二十八

靈樞經二十八

素問二十八

六微旨大論篇第六十八

馬蒔曰內言天道六六之節地理應六節等義故名篇

張志聰曰此篇分論六節應天應地主歲主時及加臨之六氣故曰六微旨大論言陰陽之數其旨甚微

黃帝問曰嗚呼遠哉天之道也如迎浮雲若視深淵視深淵尚可測迎浮雲莫知其極夫子數言謹奉天道予聞而藏之心私異之不知其所謂也願夫子溢志盡言其事令終不滅久而不絕天之道可得聞乎岐伯稽首再拜對曰明乎哉問天之道也此因天之序盛衰之時也帝曰願聞天道六六之節盛衰何也岐伯曰上下有位左右有紀故少陽之右陽明治之陽明之右太陽治之太陽之右厥陰治之厥陰之右少陰治之少陰之右太陰治之太陰之右少陽治之此所謂氣之標蓋南面而待之也故曰因天之序盛衰之時移光定位正立而待之此之謂也少陽之上火氣治之中見厥陰陽明之上燥氣治之中見太陰太陽之上寒氣治之中見少陰厥陰之上風氣治之中見少陽少陰之上熱氣治之中見太陽太陰之上濕氣治之中見陽明所謂本也本之下中之見也見之下氣之標也本標不同氣應異象帝曰其有至而至有至而不至有至而太過何也岐伯曰至而至者和至而不至來氣不及也未至而至來氣有餘也帝曰至而不至未至而至何如岐伯曰應則順否則逆逆則變生變生則病帝曰善請言其應岐伯曰物生其應也氣脈其應也

王冰曰深淵淨澄而澄澈故視之可測其深淺浮雲飄泊而合散故迎之莫詣其邊涯言蒼天之象如淵可視乎鱗介運化之道猶雲莫測其去留六氣深微其於運化當如是喻矣道者運化生成之道也上下謂司天地之二氣餘左右四氣在歲之左右也標末也聖人南面而立以開氣之至也移光謂日移光定位謂面南觀氣正立觀歲數氣之至則氣可待之也少陽南方火故上見火氣治之與厥陰合

故中見厥陰也陽明西方金故上燥氣治之與太陰合故燥氣之下中見太陰也太陽北方水故上寒氣治之與少陰合故寒氣之下中見少陰也厥陰東方木故上風氣治之與少陽合故風氣之下中見少陽也少陰東南方君火故上熱氣治之與太陽合故熱氣之下中見太陽也太陰西南方土故上濕氣治之與陽明合故濕氣之下中見陽明也本謂元氣也氣別爲王則文言著矣本者應之元標者病之始病生形用求之標方施其用求之本標本不同求之中見法萬全至謂天之六氣也初之氣起於立春前十五日餘二三四五終氣次至而分治六十日餘八十七刻半如時至而氣至和平之應此爲平歲也假令甲子歲氣有餘於癸亥歲未當至之期先期而至也乙丑歲氣不足於甲子歲當至之期後時而至也故曰來氣不及來氣有餘也言初氣之至期如此歲氣有餘六氣之至皆先期歲氣不及六氣之至皆後時先時後至後時先至各差十三日而應也當期爲應愆期爲否天地之氣生化不息無止礙也不應有而有應有而不有是造化之氣失常則氣變變常則氣血紛撓而爲病天地變而失常則萬物皆病也夫物之生榮有常時脈之至應有常期有餘歲早不及歲晚皆依時至

馬蒔曰此言天道右轉有六節之盛衰者乃天道之常正所謂上者右行又因所見而命標本中氣之所在又因氣應而察病變之所生也天道六六之節盛衰者天之三陰三陽右旋天外更治歲政每歲各一盛衰至六歲周遍通得盛衰之節六六也上下有位左右有紀者謂每歲陰陽盛衰之位上下謂司天在泉二位也左右謂司天之左間右間及在泉之左間右間爲四紀也凡天右旋之陰陽臨司天之位者其天之正盛至三之氣始布臨在泉之位者其地之氣盛至終之氣始布而上下二位有二節陰陽盛衰也臨司天之左間者其氣至四之氣盛右間者其氣至二之氣盛臨在泉之左間者其氣至初之氣盛右間者其氣至五之氣盛而左右四紀有四節陰陽盛衰也故此六節陰陽每歲各一盛衰而數得六寅申歲少陽旋來司天治之爲初六少陽之右卯酉歲陽明旋來司天治之爲六二陽明之右辰戌歲太陽旋來司天治之爲六三太陽之右巳亥歲厥陰旋來司天治之爲六四厥陰之右子午歲少陰旋來司天治之爲六五少陰之右丑未歲太陰旋來司天治之爲六六太陰之右周而復始始

於少陽治故曰六六之節盛衰也凡此三陰三陽爲治之氣皆所謂六氣之標也南面待之者明前少

陽之上燥氣治之中見太陰太陽之上寒氣治之中見少陰厥陰之上風氣治之中見少陽少陰之上熱氣治之中見太陽太陰之上濕氣治之中見陽明者其火燥風寒熱濕爲治之氣皆所謂六氣之本也其中見之氣乃六氣之中氣也通前六氣之標言之則本居上標居下中氣居本標之中故曰本之下中之見也見之下氣之標也中氣者三陰三陽各猶夫婦之配合相守而人之臟腑經脈皆應之也故少陽本標之中見厥陰厥陰本標之中見少陽而互爲中氣相守則人之膽三焦少陽經亦絡肝心包肝心包厥陰經亦絡膽三焦而互交也陽明本標之中見太陰太陰本標之中見陽明而互爲中氣相守則人之胃大腸陽明經亦絡脾肺脾肺太陰經亦絡胃大腸而互交也太陽本標之中見少陰少陰本標之中見太陽而互爲中氣相守則人之膀胱小腸太陽經亦絡腎心腎心少陰經亦絡膀胱小腸而互交也本標不同氣應異象者謂太陽少陰二氣也太陽之上寒氣治之是標陽本寒不同其氣應則太陽所至爲寒生中爲溫而寒溫異象也少陰之上熱氣治之是標陰本熱不同其氣應則少陰所至爲熱生中爲寒而熱寒異象也至於脈從病反如瓜甜帶苦葱白葉青參補蘆瀉麻黃發汗根節止汗之類皆太陽少陰本標不同之氣異象也其有至而至有至而不至有至而太過者言陰陽旋來治歲之候至而其氣化亦應候至者爲至而至者和也候至而其氣化不至者爲至而不至旋來之氣不及也候未至而氣化先至者爲未至而至旋來之氣有餘也故氣化應候至者爲順未至而至而不至者爲逆逆則勝復之變生變生則病作矣物生其應氣脈其應者覆說應則順之義也卽六元正紀大論所謂厥陰所至爲風生之類是物生之應厥陰之至其肝弦之類是氣脈之應也

張志聰曰天之道者陰陽之道也言陰陽之道高遠而淵深也夫有形者尚可測在天之爲氣者莫知其極也夫天包乎地六氣遶地環轉故不曰在地而曰在泉視深淵尚可測者喻六氣之在泉也因天之序者天以六爲節因六氣而環序也盛衰者六氣之有太過不及也六六者謂司天之三陰三陽上合天之六氣也上下有位者言少陰在上則陽明在下太陰在上則太陽在下少陽在上則厥陰在下厥陰在上則少陰在下太陽在上則太陰在下厥陰在上則少陽在下六葭環轉而各有上下之定位

也左右有紀者如少陰在上則厥陰在左太陰在右太陰在上則少陰在左少陽在右少陽在上則太陽在左陽明在右陽明在上則少陽在左太陽在右太陽在上則陽明在左厥陰在右厥陰在上則太陽在左少陰在右各隨氣之在上而有左右之定紀也故少陽之右陽明治之陽明之右太陽治之蓋以右位之陰陽轉遷於上而主歲也氣之標者標見於上也夫天氣右旋故南面觀之而待其循序環轉也移光者日月運行也以日行一周天以定一氣之位正立正南面而立也夫三陰三陽有六氣之化有上下之本標有中見之標本也風寒暑濕燥火天之陰陽也三陰三陽上奉之故以天氣爲本而在上以三陰三陽之氣標見於下也然三陰三陽之六氣雖上下相應而各有不同少陰標陰而本熱太陽標陽而本寒是本標之不同也少陰太陽從本從標太陰少陽從本陽明厥陰不從標本從乎中也故有從本而得者有從標而得者有從標本而得者有從中見而得者是氣應之異象也其三陰三陽之主歲而各有太過不及也至而至者此平氣之年無太過不及四時之氣應期而至氣之和平也如春應溫而寒夏應熱而溫此應至而不至來氣之不及也如未至春而先溫未至夏而先熱此未應至而先至來氣之有餘也按天元正紀大論曰凡此陽明太陰厥陰司天之政氣化運行後天太陽少陽少陰司天之政氣化運行先天蓋不及之歲則司天之氣後天時而至有餘之歲則司天之氣先天時而至又陽年主實陰年主虛其天符歲會之年是爲平氣無太過不及者也如不及之歲應至而不至有餘之歲應未至而至是爲應則順如不及之歲反未至而至有餘之歲反至而不至是爲否則逆逆則變生變則爲民之災病矣請言其應者謂應太過不及之氣也物生其應者如厥陰司天毛蟲靜羽蟲育少陽司天草木早榮太陰司天萬物以榮此生物以應司天之候也氣脈其應者如太陽司天寒臨太虛陽氣不令陽明司天陽專其令炎暑大行太陰司天陰專其政陽氣退避又厥陰之至其脈弦少陰之至其脈鉤太陰之至其脈沈少陽之至大而浮陽明之至短而濇太陽之至大而長此皆氣脈其應也

火之下陰精承之帝曰何也岐伯曰亢則害承運制則生化外列盛衰害則敗亂生化大病帝曰盛衰何如岐伯曰非其位則邪當其位則正邪則變甚正則微帝曰何謂當位岐伯曰木運臨卯火運臨午土運臨四季金運臨酉水運臨子所謂歲會氣之平也帝曰非其位何如岐伯曰歲不與會也帝曰土運之歲上見太陰火運之歲上見少陽少陰金運之歲上見陽明木運之歲上見厥陰水運之歲上見太陽奈何岐伯曰天與之會也故天元冊曰天符歲會何如岐伯曰太乙天符之會也帝曰其貴賤何如岐伯曰天符爲執法歲會爲行令太乙天符爲貴人帝曰邪之中也奈何岐伯曰中執法者其病速而危中行令者其病徐而持中貴人者其病暴而死帝曰位之易也何如岐伯曰君位臣則順臣位君則逆逆則其病近其害速順則其病遠其害微所謂二火也帝曰善願聞其步何如岐伯曰所謂步者六十度而有奇故二十四步積盈百刻而成日也

中並去聲

王冰曰日出謂之顯明則卯地氣分春也自春分後六十日有奇斗建卯正至於巳正君火位也自斗建巳正未之中三之氣分相火治之所謂少陽也君火之位所謂少陰熱之分也天度至此暄淑大行居熱之分不行炎暑君之德也少陽居之爲僭逆大熱早行疫癘乃生陽明居之爲溫涼不時太陽居之爲寒雨間熱厥陰居之爲風濕雨生羽蟲少陰居之爲天下疵疫以其得位君令宣行故也太陰居之爲時雨火有二位故以君火爲六氣之始也相火則夏至日前後各三十日也少陽之分火之位也天度至此炎熱大行少陽居之爲熱暴至草萎河乾炎亢濕化晚布陽明居之爲涼氣間發太陽居之爲寒氣間至熱爭冰雹厥陰居之爲風熱大行雨生羽蟲少陰居之爲大暑炎亢太陰居之爲雲雨雷電退謂南面視之在位之右一步凡六十日八十七刻半餘氣同法復行一步土氣治之雨之分也即秋分前六十日有奇斗建未正至酉之中四之氣也天度至此雲雨大行濕蒸乃作少陽居之爲炎熱沸騰雲雨雷電陽明居之爲清雨霧露太陽居之爲寒雨害物厥陰居之爲暴風雨摧拉雨生保蟲少陰居之爲寒熱氣反用山澤浮雲暴雨潏蒸太陰居之爲大雨霪淫也復行一步金氣治之燥之分也即秋分後六十日有奇自斗建酉正至亥之中五之氣也天度至此萬物皆燥少陽居之爲溫清更正

萬物乃榮陽明居之爲大涼燥疾太陽居之爲早寒厥陰居之爲涼風大行雨生介蟲少陰居之爲秋濕熱病時行太陰居之爲時雨沈陰也復行一步水氣治之寒之分也卽冬至前後各三十日自斗建亥至丑之中六之氣也天度至此寒氣大行少陽居之爲冬溫蟄蟲不藏流水不冰陽明居之爲燥寒勁切太陽居之爲大寒凝冽厥陰居之爲寒風飄揚雨生鱗蟲少陰居之爲蟄蟲出見流水不冰太陰居之爲凝陰寒雪地氣濕也復行一步木氣治之風之分也卽春分前六十日有奇也自斗建丑正至卯之中初之氣也天度至此風氣乃行天地神明號令之始天之使也少陽居之爲溫疫至陽明居之爲清風霧露朦昧太陽居之爲寒風切冽霜雪水冰厥陰居之爲大風發榮雨生毛蟲少陰居之爲熱風傷人時氣流行太陰居之爲風雨凝陰不散也復行一步君火治之熱之分也復春分始也自斗建卯正至巳之中二之氣也凡此六位統一年六六三百六十日六八四百八十刻六七四十二刻其餘半刻分而爲三約終三百六十五度也餘奇細分率之可也相火之下水氣承之者熱盛水承條蔓柔弱湊潤衍溢水象可見水位之下土氣承之者寒甚物堅水冰流涸土象斯見承下明矣土位之下風氣承之者疾風之後時雨乃零是則濕爲風吹化而爲雨風位之下金氣承之者風動氣清萬物皆燥金承木下其象昭然金位之下火氣承之者鍛金生熱則火流金乘火之上理無妄也君火之下陰精承之者君火之位大熱不行蓋爲陰精制承其下也諸以所勝之氣乘於下者皆折其慄盛此天地造化之大體爾若非太過非不及是謂平運主歲平歲之氣物生脉應皆必合期無先後也歲不與會者不與本辰相逢會也天之與會者天氣與運氣相逢會也太乙天符之會是謂三合一者天會二者歲會二者運會也執法猶相輔行令猶方伯貴人猶君主執法官人之繩準自爲邪僻故障速而危方伯無執法之權故無速害病但執持而已貴人義無凌犯故障則暴死相火居君位是臣位居君位故逆君火居相火是君位居臣位故順遠近謂里之遠近奇謂八十七刻又十分刻之五也夫周天之度二百六十五度四分度之一也二十四步正四歲也四分度之二二十五刻也四歲氣成積已盈百刻故

右君火之位者日出顯明卯地之右在方屬東南在時屬春分卯中之後爲君火之位也君火之右退行一步相火治之者地氣至南方相火位行令治夏至前後三之氣以應司天之政布其運主戊癸歲以應司天之政治歲也復行一步土氣治之者地氣至西南土位行令至秋分前四之氣以應司天左間之氣盛其運主甲己歲以應司天之政治歲也復行一步金氣治之者地氣至西北金位行令治秋分後五之氣以應在泉右間之氣其運主乙庚歲以應司天之政治歲也復行一步水氣治之者地氣至北方水位行令治冬至前後終之氣以應在泉之氣布其運主丙辛歲以應司天之政治歲也復行一步木氣治之者地氣至東北木位行令治春分前初之氣以應在泉左間之氣盛其運主丁壬歲以應司天之政治歲也復行一步君火治之者地氣至東南君火位行令治春分後二之氣以應司天右間之氣盛其運周歲相火代之不主歲故餘皆曰復行惟相火曰退行也六步各行本方之氣入於中國故木於東方治令時春氣西行而中國皆東方溫氣與泉左間所居之氣也君相於南方治令時夏氣北行而中國皆南方熱氣與天右間所居之氣也金於西方治令時秋氣東行而中國皆西方涼氣與天左間所居之氣也水於北方治令時冬氣南行而中國皆北方寒氣與泉右間所居之氣也六氣之下各有所制之氣承之者蓋五行之氣一極則一生而循環相承無一息間斷也相火之下水氣承之者夏相火極水生承之從微漸化至冬著也水位之下土氣承之者冬水極土生承之從微漸化至長夏著也土位之下水氣承之者長夏土極木生承之從微漸化至春著也木位之下金氣承之者春木極金生承之從微漸化至秋著也金位之下火氣承之者秋金極火生承之從微漸化至夏著也君火之下陰精承之者夏君火極陰精承之從微漸化至冬著也其義與陰陽家水胎於午金胎於卯等說大同小異而皆循環相承以爲胎也亢過極也亢則害承迺制制則生化外列盛衰害則敗亂生化大病者言六位之氣過極則必害作承氣迺生於下制之使不過也故制則從微化著承者自外列盛極者自外列衰而生化循環害作則敗壞擾亂而生化大病也外列謂天之六氣運列於外者非卽謂下承之氣也故下文帝復問盛衰何如而答以當其位則正非其位則邪所謂同者盛之異者衰之也

下文又以天符歲會言之則當其位者可知矣盛衰非其位則邪當其位則正者覆明上文制則生化外列盛衰之盛衰也蓋制亢下承生化之盛衰惟歲氣和平則其所化循序漸進從微至著而皆當六位之正其歲氣有太過不及則其所化無序或躐等陵節或乘危往勝故變或兼化而爲半非其位之邪變或復勝而爲全非其位之邪也木運臨卯卽丁卯歲火運臨午卽戊午歲土運臨四季卽甲辰甲戌己未己丑歲金運臨酉卽乙酉歲水運臨子卽丙子歲所謂歲會氣之平者言此八歲皆歲與五運相會而氣和平又爲太乙天符其盛衰皆能循序當六位之正此正所謂歲會之義也如餘歲不與運會則氣有太過不及其盛衰皆無序而非其位也至於土運之歲上見太陰卽己丑己未歲火運之歲上見少陽卽戊寅戊申歲上見少陰卽戊子戊午歲金運之歲上見陽明卽乙卯乙酉歲木運之歲上見厥陰卽丁巳丁亥歲水運之歲上見太陽卽丙辰丙戌丙己丑己未戊午乙酉以爲太乙天符此乃司天與運氣相會故天元冊名曰天符然天符中之己丑己未戊午乙酉歲會中之戊午己丑己未乙酉乃天符歲會相同又名曰太乙天符也太乙者至尊無二之稱也帝遂以此三者分之所擬貴賤何如爲問伯言天符之歲猶之執法之臣法不可假故邪中執法其病速而危假如戊子日戊爲火運子爲火氣亦是天符此日得病者困半也歲會之歲猶之行令之臣當有主之者在故邪中行令其病徐而持假如甲辰甲爲土運辰爲土支乃歲會也年月日時同太乙天符之歲猶之君主之貴人也故邪中貴人者其病暴而死假如戊午日戊爲火運午爲火支又爲火氣卽太乙天符此日病者死帝又以位之易者爲問伯言以少陰君火而位於少陽相火之位則爲順順則其病遠而害微也以少陽相火而位於少陰君火之位則爲逆逆則其病近而害速也惟二火以易位言耳步者帝復問地之六步也六十度有奇者地之六步繞天一周凡三百六十五度以爲一歲之日數而每步各得六十度有奇也故一日爲一度六十日八十七刻半爲一步而不盈日積二十四步凡四歲則其餘奇積盈百刻而成日於歲終以爲一紀也曰六位下承之氣其所以爲正化之常者爲兼化勝復之變者爲和者爲乖者之詳可得聞之而一證之以經旨乎曰至誠無息者道體也陰陽五行在天地間流行一極一生而更

以五行言之則五行即陰陽之相承特有所稱之分耳故火盛陽極木穉陽生承之次於秋金之穉陰極火盛陽生承之終於冬生之盛陰極土冲氣生承之也夏至陽極陰生承之終於春木之穉陽極金穉陰生承之次於夏君火之盛陽極陰精生承之終於夏相火之盛陽極陰生承之而一歲一周也其在五行自相承則君火相火之下陰精水氣承之水位之下土氣承之者初歲也土位之下水氣承之者二歲也木位之下金氣承之金位之下火氣承之者凡三歲周而復始也故混而陰陽分而五行常如是更互相承循環無端者實由相承之體至誠無息而然也以其相承之體言之則至誠無息隨極而承無常變和乖之殊以其流行之用言之則極於平氣之紀而當其位承之者爲正化之常而爲和極於太過不及之紀而非其位承之者爲兼化勝復之變而爲乖也其常者則循序漸進以爲四時之周流其變者則或肆威太過而暴極於非位或勢位不及而夭極於非位故所承者皆隨其極制於下而躡等陵節變其本氣以爲旦夕之暴化是故半變者本氣半衰下承半盛而爲半非位之兼化全變者本氣全衰下承全盛而爲全非位之勝復和而變者爲德化政令乖而變者爲災害眚傷也經所謂發生之紀其變振拉摧拔之類乃太過之兼化木不勝德則收氣復之類乃太過之勝復委和之紀其動纒戾拘緩之類乃不及之兼化肅殺炎赫沸騰之類乃德化政令之勝復水發而雹雪水發而毀折之類乃災害眚傷之兼化厥陰所至爲飄怒大涼少陰所至爲大暄寒之類乃災害眚傷之勝復也故均是至誠無息之體但其所極所承者自常變和乖之不齊則其應見者有正化兼化勝復及微甚災祥之各異也

張志聰曰此論六節應地而主時也節度也氣位六氣所主之步位也顯明者寅正立春節候乃初之氣也顯明之右乃少陰君火之位主二之氣也退行一步者從右而退轉一位也君火之右乃少陽相火之位主三之氣也復行一步者復行一位也復行一位乃太陰濕土主四之氣也復行一位乃陽明燥金主五之氣也復行一位乃太陽寒水主六之氣也復行一位乃厥陰風木主初之氣也復行一位乃少陰君火之所主周而復始也六氣以君火爲尊故以少陰爲始然五行之中有生有化有制有尅

如無承制而亢極則爲害有制尅則生化矣治主也謂六氣定位而各有所主也承者謂承奉其上而制之也陰精者天乙所生之精水也如木位之下乃陽明燥金太陽寒水母子之氣以承之母氣制之則子氣生化其木矣如金位之下乃君相二火太陰濕土母子之氣承之母氣尅之則子氣生化其金矣土位之下乃厥陰風木君相二火母子之氣以承之木制其土則火氣生化矣餘三氣相同是爲制則生化也如火亢而無水以承之則火炎鑠金而水之生原絕矣無水以制火則火愈亢矣如水亢而無土以承之則水濫火滅而土之母氣絕矣無土以制水則水愈亢矣是以亢則爲五行之賊害害則生化承制之氣皆爲敗亂而生化大病矣外列盛衰者謂外列主歲之氣有盛有衰如主歲之氣與主時之氣交相亢極則爲害更甚故曰害則敗亂生化大病也夫太過不及之歲而有盛衰之氣也非其位者謂氣來有餘則制己所勝而侮所不勝此歲氣之盛也氣來不及則己所不勝侮而乘之己所勝輕而侮之此歲氣之衰也此皆不守本位而交相乘侮則邪僻內生矣當其位者乃平氣之年無太過不及之乘侮而各當其本位此氣之正也邪則變甚正則變微也若平氣之歲則無盛衰木運臨卯火運臨午之類會合也以天干之化運與地支之主歲相合故爲歲會此平氣之年也如非歲會之年則有太過不及之相承是爲不當其位矣若司天之氣與五運之氣相合是爲天符上見者謂司天之氣見於歲運之上也土運之歲上見太陰火運之歲上見少陽之類是也天符與歲會相合名太乙天符乃戊午己丑己未乙酉四歲此乃司天之氣五運之氣主歲之氣三者相合故又名曰三合夫地理之應六節乃主時之六氣不易之位也然又有加臨之六氣隨司天在泉六莖環轉故曰位之易也如少陰君火加臨於少陽相火之上是爲君位臣則順如少陽相火加臨於少陰君火之上是爲臣位君則逆所謂二火之順逆也類而推之餘四氣亦有母子之分如母加於子爲順子加於母爲逆步位也以一氣各主六十日零八十七刻半故爲六十度而有奇四歲之中共計二十四步每步氣盈八十七刻半共積盈二千一百刻以二千刻分爲四歲之氣盈五日尚積盈一百刻而成有餘之一日也帝曰六氣應五行之變何如岐伯曰位有終始氣有初中上下不同求之亦異也帝曰求之奈何岐伯曰



用則氣騰於天初與中皆分天步而率刻爾初中各三十日餘四十三刻四分刻之三也子甲相合命曰歲立則甲子歲也謹候水刻早晏則六氣悉可與期甲子之歲初之氣天數始於水下一刻者常起於平明寅初一刻艮中之南也終於八十七刻半者子正之中夜之半也外十二刻半入二氣之初諸餘刻同入也二之氣始於八十七刻六分者子中之左也終於七十五刻者戌之後四刻也外二十五刻入次三氣之初率三之氣始於七十六刻者亥初之一刻也終於六十二刻半者酉正之中也外三十七刻半差入後四之氣始於六十二刻六分者酉中之北也終於五十刻者未後之四刻也外五十刻差入後五之氣始於五十一刻者申初之一刻也終於三十七刻半者午正之中晝之半也外六十二刻半差入後六之氣始於三十七刻六分者午中之南也終於二十五刻者辰正之後四刻也外七十五刻差入後天地之數二十四氣乃大會而同故命曰初六天數也乙丑歲初之氣天數始於二十六刻者巳初之一刻也終於一十二刻半者卯正之中也二之氣始於一十二刻六分者卯中之南也終於水下百刻者丑後之四刻也三之氣始於一刻者又寅初之一刻也終於八十七刻半者子正之中也四之氣始於八十七刻六分者子中正東也終於七十五刻者戌後之四刻也五之氣始於七十六刻者亥初之一刻也終於六十二刻半者酉正之中也六之氣始於六十二刻六分者酉中之北也終於五十刻者未後之四刻也一六爲初六二六爲六二名次也丙寅歲初之氣天數始於五十一刻者申初之一刻也終於三十七刻半者午正之中也二之氣始於三十七刻六分者午中之酉也終於二十五刻者辰後之四刻也三之氣始於二十六刻者巳初之一刻也終於一十二刻半者卯正之中也四之氣始於一十二刻六分者卯中之南也終於水下百刻者丑後之四刻也五之氣始於一刻者寅初之一刻也終於八十七刻半者子正之中也六之氣始於八十七刻六分者子中之左也終於七十五刻者戌後之四刻也故命曰六三天數也丁卯歲初之氣天數始於七十六刻者亥初之一刻也終於六十二刻半者酉正之中也二之氣始於六十二刻六分者酉中之北也終於五十刻者未後之四刻也三之氣始於五十一刻者申初之一刻也終於三十七刻半者午正之中也四之氣始於三十七刻六分者午中之酉也

之四刻也故命曰六四天數也始自甲子年終於癸亥歲常以四歲爲一小周一十五周爲一大周以辰命歲則氣可與期日行一周天氣始於一刻者甲子歲也日行再周天氣始於二十六刻者乙丑歲也日行三周天氣始於五十一刻者丙寅歲也日行四周天氣始於七十六刻者丁卯歲也日行五周天氣復始於一刻者戊辰歲也餘五十五歲循環周而復始也法以四年爲一紀循環不已餘三歲一會同故有三合也氣會同如陰陽法以是爲三合者緣其氣會同也不爾則各在一方義無由合本謂天六氣寒暑燥濕風火也三陰三陽由是生化故云本所謂六元者也位謂金木火土水君火也天地之氣上下相交人之所處也上下之位氣交之中言自天之下地之上則二氣交合之分也人居地上故氣交之中人之居也是以化生變易皆在氣交之中天樞當齊之兩旁也所謂身半矣伸臂指天則天樞正當身之半也三分析之上分應天下分應地中分應氣交天地之氣交合之際所遇寒暑燥濕風火勝復之變之化故人氣從之萬物生化悉由此而合散也奇謂三十日餘四十三刻又四十分刻之三十也初中相合則六十日餘八十七刻半也以各餘四十分刻之三十故云中氣同法也以初中而知氣高下生人病主之也氣之初天用事天用事則地氣上騰於太虛之內氣之中地氣主之地氣主則天氣下降於有質之中升極則降降極則升升降不已故彰天地之更用也氣之初地氣升氣之中天氣降升已而降以下彰天氣之下流降已而升以上表地氣之上應天氣下降地氣上騰天地交合泰之象也天地之氣升降常以三十日半下上下上不已故萬物生化無有休息而各得其所也變作者氣有勝復故變生也

馬時曰此論天之陰陽與地之陰陽相錯而變生所謂動靜相名上下相臨陰陽相錯者也六氣應五行之變者帝復取上文天道六六之節及地理應六節氣位二節之義合而問之也言天六氣風熱濕火燥寒之盛衰相應地五行木君火相火土金水之治令者同一歲步而其氣錯之變何如求之也位卽步也位有終始者卽天六氣之盛者應地五行之治令者同在一步而其候有終始也氣有初中者卽每步始終之盛而治令之氣分爲前後前半步爲初氣主地氣升後半步爲終氣主天氣降也天上

地下之氣相錯於位之終始氣之初中不同而求之之法亦異也天氣始於甲地氣始於子者求位有終始之法也言天地之氣皆自甲子歲始求之者謹按其始終之時則其氣候之至可與之期也歲六氣始終早晏者蓋天地二氣之始終有步候之分其在步候則一歲六步每步天地之氣始終各治六十日八十七刻半其在歲候則每歲天地之氣始終各治三百六十五日二十五刻今帝先問一歲六步之氣始終之候早晏也甲子之歲始於水下一刻終於八十七刻半者甲子歲六步其天之氣少陰司天而左間太陰右間厥陰陽明在泉而左間太陽右間少陽皆各於所在之步更盛而相應地氣同治其令今初之氣則在泉左間太陽寒氣盛相應地東北木氣治令而同主春分前六十日八十七刻半始終之候早晏也二之氣始於八十七刻六分終於七十五刻者司天右間厥陰風氣盛相應地東南君火治令而同主春分後六十日八十七刻半始終之候早晏也三之氣始於七十六刻終於六十二刻半者司天少陰熱政布相應地南方相火治令而同主夏至前後六十日八十七刻半始終之候早晏也四之氣始於六十二刻六分終於五十刻者司天左間濕氣盛相應地西南土氣治令而同主秋分前六十日八十七刻半始終之候早晏也五之氣始於五十一刻終於三十七刻半者在泉右間火氣盛相應地西北金氣治令而同主秋分後六十日八十七刻半始終之候早晏也終之氣始於三十七刻六分終於二十五刻者在泉陽明燥氣盛相應地北方水氣治令而同主冬至前後六十日八十七刻半始終之候早晏也天地之氣在甲子歲六步始終之候早晏餘歲同例推之也歲候者帝因步候而問及歲候也蓋天地於一歲之政天氣之司天在上者共主一歲地氣之主運者居中配之凡二氣之候同其始終於一歲也日行一歲日行一周天也氣始於一刻者甲子歲司天少陰熱氣在泉陽明燥氣中運大宮土氣之候始同治其歲也日行一周天氣始於二十六刻者乙丑歲司天太陰濕氣在泉太陽寒氣中運少商金氣之候始同治其歲也日行三周天氣始於三十一刻者丙寅歲司天少陰火氣在泉厥陰風氣中運太羽水氣之候始同治其歲也日行四周天氣始於七十六刻者丁卯歲司天陽明燥氣在泉少陰熱氣中運少角水氣之候始同治其歲也此天地之氣在初紀四歲始終